

PENTECOSTES  
5 VITAE VIVACISSIMA  
SOLEMNIA  
PIE CELEBRANDA  
CIVIBVS  
INDICIT  
ACADEMIA IENENSIS.



*Annexum est EPIMETRON ad commentarium criticum in graecum  
Matthaei textum.*

— — — — —

IENAE  
TYPIS GOEPFERDTII  
MDCCCI.

DEI GRATIA

C A R O L V S   A V G V S T V S

DVX SAXONIAE IULIACI CLIVIAE MONTIVM ANGARIAE ET GVESTPHALIAE LAND-  
GRAVIS THVRINGIAE MARCHIO MISNIAE COMES PRINCIPIS DIGNITATE  
HENNEBERGAE COMES MARCAE ET RAVENSBERGAE DYNASTA  
RAVENSTEINII REL.

RECTOR ACADEMIAE IENENSIS MAGNIFICENTISSIMVS

S. D.

C I V I B V S.

Naturam humanam, omnium temporum experientia edocti, ita comparatam esse scimus, ut beneficia, quantumvis insignia ac vere immortalia, oblivioni a plerisque mox tradantur, nisi imbecillitati humanae subveniatur publicis qualibuscunque institutis, quorum ope animus ad egregiorum benefactorum memoriam revocari queat. Laudabili huic consilio inde ab antiquissimis temporibus apud omnes populos inservierunt potissimum festorum dierum, definito tempore recurrentium, solemnia. Itaque pii majores quoque sapienter et ad rem accommodatissime instituerunt, ut beneficia summa, quibus Deus humanum genus per Christum ejusque doctrinam beavit, quotannis publice praestitatis temporibus celebrarentur. Cum igitur Pentecoste, quae recolendae primorum doctrinae salutaris praeconum inaugurationi destinata est, iterum instet, admonendos Vos esse putavimus, Cives Carissimi, ut hosce dies sancte pieque, ut decet tam beneficæ religionis alumnos, transfigatis.

P. P. ipso Pentecostes die MDCCCI.



# EPIMETRON

A D

COMMENTARIVM CRITICVM IN MATTHAEI TEXTVM.

In critico commentario, quem in graecum Matthaei textum conscripsimus, desiderarunt Viri docti nonnulli qualecumque judicium nostrum super primi ac secundi capituli Evangelii istius authentia. Propositum quidem nobis tantummodo fuerat, in singulorum locorum lectio-nes, a vulgo receptis discrepantes, curatius inquirere, et ad libros Novi Testamenti a men-dis, librariorum sive negligentia sive temeritate invecitis, repurgandos symbolam nostram conferre, textusque a nobis aliter ac, ut speramus, rectius quam in vulgaribus editionibus constituti causas et rationes sic exponere, ut partim Viri harum rerum periti in negotio tam gravi ac arduo ea qua par est religione ac circumspectione versari nos intelligerent, partim etiam tirones haberent, in quo excutiendo et diligenter perpendendo vires suas exercere et subtiliter de rebus criticis judicandi facultatem ipso usu et saepe repetita canonum critico-rum applicatione comparare sibi possent. Ab hoc vero consilio nostro istae de pericoparum verborum authentia, origine et oeconomia disquisitiones, quippe quae ad aliud criseos genus, aliis legibus regendum, pertinent, paullo remotiores esse visae nobis fuerant. Attamen, ut Virorum doctorum monitis obtemperemus, nec tergiversari ac sententiam nostram dissimulare velle existimemur, de causa ista dudum controversa quid nobis videatur, ingenue exponemus, verum, ut fas est in παρογγελίᾳ, paucissimis.

I. *Testimonia veterum*, quibus duo priora Matthaei capita dubia reddi queant, pro-ferri possunt prorsus nulla. Leguntur ista capita in codicibus graecis, nisi manifesto mutili sint et laceri, omnino omnibus et in versionibus vetustis, quas quidem integras habemus, cunctis; nec ullum repertum adhuc fuit vestigium, quod proderet, in ulla istarum versionum pericopam hanc serius et ab alio interprete fuisse adjectam. Scio quidem, viris doctis nonnullis persuasum esse, in codice graeco Ebneriano seu Eschenbachiano, qui inter Wetsteinianos est centesimus quintus, deesse caput Matthaei primum, textumque incipere capitulii se-

cundi commate primo, a verbis: Τοῦ δε Ἰησοῦ γεννηθέντος. Sed nisi me omnia fallunt, primum caput in hoc libro, aequae ac in caeteris omnibus, omnino extat. Nec Schoenlebenius, qui singulari libello, Norimbergae 1738 excuso, notitiam hujus codicis dedit, genealogiam et narrationem de graviditate et partu Mariae abesse, *textumque a verbis*: Τοῦ δε Ἰησοῦ γεννηθέντος inchoare testatur, sed pag. 17. „primum, inquit, *caput A.* his verbis incipit: Τοῦ δε Ἰησοῦ γεννηθέντος.“ Recte! Sed hoc neutiquam Ebneriano libro proprium est, aut singulare, licet ipso etiam Schoenlebenio fortasse visum ita fuerit; addit enim: „observavit Bengelius in sua editione, nullum hebraicum Matthaei codicem habuisse genealogiam, vel omnino duo capita prima;“ e quibus verbis appareat, putasse Schoenlebenium, istam *capitum dispositio-* *nem, quam ex Ebneriano codice notaverat, non esse nullius momenti ad dirimendam de ge-* *nealogiae authentia litem.* Sed erravit vir doctus, aut saltim verborum suorum ambiguitate alios in errorem perduxit. Qui enim manuscriptos Novi Testamenti codices complures tractavit, vel Stephanicam adeo Millianamve editionem curiosius perlustravit, non nesciet, in omnibus Novi Testamenti libris primam pericopam, a qua liber quisque orditur, negligi nec numerari in *capitum apud Graecos usitatorum seu κεφαλαιων recensu.* Sic in omnibus, quotquot κεφαλαιων notatione et τιτλοις instructi sunt, codicibus, Matthaei κεφαλαιου *A.* seu primum inscribitur περι των μαγων, et incipit Matth. 2, 1. Similiter Marci κεφ. *A.* titulum praeferebat, περι του δαιμονιζομενου, inchoat Marc. 1, 29. et Joannis κεφ. *A.* περι του εν καιᾳ γαμου, orditur a Jo. 2, 1. Quin in epistolis quoque plerisque eadem est των κεφαλαιων ratio. Primum v. c. epistolae ad Romanos κεφαλαιου incipit Rom. 1, 18. Tam singularis numerandorum των κεφαλαιων modi causam repetendam censemus e sectionum istarum origine. Primum enim singulis libri cujusque pericopis grandioribus lemma, argumentum paucis verbis exponens, praesigebatur aut in ora five superiore five inferiore adponebatur; quae lemmata (seu τιτλοι) deinceps e codicum marginibus collecta et in catalogum redacta numerisque distincta fuerunt, velut in Matthaeo: I. περι των μαγων. II. περι των αναιρεθεντων παιδιων. III. πρωτος Ἰωαννης ἐκηρυξε βαπτισιαν οὐρανων. IV. περι της διδασκαλιας του Χριστου. V. περι των μακαρισμων (quod capitulum totam orationem in monte habitam complectitur.) VI. περι του λεπρου, et sic porro. Atqui libri cujusque initium generali inscriptione (v. c. Εὐαγγελιου κατα Ματθαιου, seu Προς Ρωμαιους ἐπιστολη) instructum jam fuit. Hinc speciali lemmati in primo libri cuiusdam folio vix locus satis conveniens relictus esse putabatur. Atque sic accidisse videtur, ut primae libri cujusque particulae in enumerandis κεφαλαιοις mentio fieret nulla. Ex quibus omnibus patet, Novi Testamenti librorum paene omnium initia fore refecanda, si eam sacri contextus partem, quae primum κεφαλαιου antecedit, in νοθειας suspicionem adducere fas esset.

Nec major vis ad dubiam reddendam saltim genealogiam ineft latinis codicibus, ad quos nimis cupide provocavit praecipius authentiae duorum primorum capitum oppugnator, Io. Williams, in *a free enquiry into the authenticity of the first and second chapters of St. Matthew's gospel.* Edit. 2. Lond. 1789. Nullus repertus adhuc fuit codex latinus, in quo Matthaei Evangelium tertio demum capite a verbis: Εν ταις γεραις ἐνειναις παραγινεται Ἰωαννης ὁ βαπτιστης ηρεσ-

σωγ η. τ. ε. inciperet. Harlejanus quidem, numero 1775 insignitus, qui sexto aut septimo seculo scriptus esse putatur ad commatis 17 finem haec habet adposita: *Genealogia hucusque. INCIPIT EVANGELIVM SECUNDVM MATTHAEVM.* Verum haec non ipsius librarii calamo textui interposita, sed in margine ab *alia recentiore* manu adjecta sunt. Alii latini codices, seculo 10. 11 aut 12, in Hibernia fere, exarati, genealogiam a Matthaei narratione avellunt, eamque prologis commati 18 praemissis anteponunt. Sed hi libri non solum aliorum latinorum multo antiquiorum et praestantiorum auctoritate, verum graecorum etiam, quotquot examinati adhuc fuere, syriacorum, copticorum aliorumque codicum unanimi consensu confutantur, nec quidquam probant nisi hoc: fuisse medio aevo nonnullos, qui genealogiam non ipsius Evangelii (h. e. narrationis a Mattheo elaboratae) partem, sed velut appendicem seu potius prologum esse opinarentur. Quae obscurorum hominum opinio qualiscunque, ad sola septendecim priora capitum primi commata spectans, neutquam eo valet, ut de reliqua primi capitum parte et de secundi capituli authentia vel minimum injicere nobis scrupulum queat; immo ne genealogiam quidem *spuriam* esse supponit, sed separatim duntaxat et ab Evangelii corpore sejunctam servari vult, quippe quam Mattheus ipse non concinnaverit, sed aliunde acceptam suo de rebus ad Christum pertinentibus commentario praefigendam censuerit.

II. E veterum scriptorum de Evangelio secundum Hebraeos et de Nazarenorum Ebionitarumve Evangelii relationibus argumenta adversus primorum Matthaei capitum authenticam petere fas non est, donec longe quam adhuc quidem factum est explicatus et certius doceatur, non solum abfuisse primitus ab ipsis libellis cum genealogiam tum nativitatis Christi historiam, (quod de solo Ebionitarum Evangelio idoneis testimoniosis evictum esse videtur,) verum tam propinquo etiam cognationis gradu apocrypha ista Evangelia attingere commentarium Matthaei, ut probili ratione colligi queat, quae in ipsis libellis praetermissa essent, in nostro quoque Evangelio lecta primitus neutquam fuisse.

III. Nec Virorum quorundam doctorum conjecturae de hebraico seu aramaeo quodam Evangelio, e quo tanquam e communi fonte nostra Matthaei, Marci et Lucae Evangelia derivata fuerint, ita comparatae sunt, ut ad decidendam de primo et secundo Matthaei capite controversiam adhiberi rite possint. Multis enim de causis dubitare licet, utram consensus trium illorum Evangelistarum e tali repetendus sit fonte communi, qualem istud primitum Evangelium (*Urevangelium*) fuisse fingunt. Ac si vel maxime hujusmodi Evangelium olim extitisse concederemus, et praeterea largiremur, abfuisse ab eo cum genealogiam tum reliquam de partu Virginis et magorum adventu narrationem, minime tamen effici inde posset, bina ista capita ab alio quam ab ipso Evangelii nostri auctore adjecta postmodum fuisse. Si enim alias hoc additamento primitivum Evangelium amplificare potuit, quidni Mattheo idem licuerit?

IV. Neque e Marci silentio de rebus omnibus, quae duobus illis capitibus continentur, consequitur, ab eo Matthaei exemplari, quo Marcus usus est, abfuisse, quaecunque intacta hic reliquit. Etsi enim persuasi simus, Marcum in conscribendo suo Evangelio diligenter

confuluisse Matthaei commentarium, et permulta ex eo in suum libellum transfudisse, negamus tamen, Matthaei epitomatorem eum esse, aut id egisse, ut quicquid Matthaeus uberior narrasset, in compendium ipse redigeret. Proprio enim iudicio gnaviter usus, e Matthaei et Lucae Evangelii ea tantum decerpit, quae suis lectoribus suoque consilio convenientissima esse arbitraretur; caetera, quamquam obvia et velut parata, consulto praetermisit.

V. Difficultates nec paucas neque exiguae in istis capitibus occurrere, ultro fatemur. Sed si pluribus adeo et multo gravioribus narratio premeretur difficultatibus, temere tamen inde concluderes, Mattheo auctori eam non esse tribuendam. Nihil enim continet, quod Matthaeus scribere non potuerit. Fideliter autem de rebus, sexaginta circiter annis ante gestis quam scripto consignarentur, retulit relata ab hominibus, utcunque narrantibus, quae ante plura fortasse lustra ab aliis accepissent. Quapropter interpres peritus et sagax e tricis plerisque nullo negotio se expediet, dummodo animum sedulo advertat ad fontes, e quibus quaevis narrationis particula hauriri potuerit aut debuerit. Sic v. c. quae de stella perhibentur, aliunde innotescere non potuerant, quam e magorum, hominum piorum quidem at caeteroqui ignotorum, relatione, satis forsitan obscura ac confusa, quae per varias ambages ad Matthei demum aures pervenit. Nec aliam Josephi genealogiam libello suo inferere potuit, quam suppeditatam a viri illius cognatis. Et sic in caeteris etiam. Mattheus enim his, quae tempore nativitatis Christi evenerant, non interfuerat ipse, nec ex eorum qui interfuerint ore rescire ea facile potuit. Quare mirum videri debet nemini, si haec historiae ab ipso conscriptae pars obscuritate quadam laboret.

VI. Cum igitur parum roboris insit argumentis omnibus, adversus duorum istorum capitum authentiam prolati, genuina ea esse censemus, ipsaque inde ab initio, cum primum in publicam lucem emitteretur Matthei Evangelium, huic adhaesisse ac in autographo seu archetypo jam extitisse, nulli dubitamus.

VII. Itaque restat tantum, ut inquiramus, utrum Mattheus ipse sciscitando ex testium fide dignorum ore collegerit narrata in his capitibus, eaque in hanc formam redegerit, an potius totam nativitatis Christi historiolam, prout eam hodie legimus, ab alio in literas jam relatam repererit, dignamque judicarit, quam suo Evangelio praemitteret. Posterius viris doctis placuit haud paucis. Cum autem de duobus etiam Lucae capitibus prioribus similis quaestio exorta sit, de his paucula praemittere licebit dicendis de Mattheo. Quodsi enim probabili conjectura eo deducamur, ut Lucam verum istorum capitum auctorem esse intelligamus, vix erit, cur de Mattheo secus'ac de Luca sentiendum esse statuamus.

Duabus potissimum rebus narrationes, quae Lucam auctorem habent, ab aliorum ejusdem generis historicorum res gestas exponendi ratione differunt: primo, percrebra *apparitionum angelicarum* commemoratione, deinde, *oratiunculis*, narrationis filo intertextis, diligenter elaboratis et ad uniuscujusque, quem loquentem auctor inducit, personam mira sagacitate accommodatis. Quantopere angelos in scenam producere Lucas amet, constat ex Evang. 22, 43. Act. 1, 11. 5, 19. 8, 26. 10, 3. 12, 7. 12, 23. 27, 25. Oratiuncularum autem exempla in Actibus Apostolorum occurrunt quamplurima, nimirum Petri, cap. 1, 15. 2, 14. 3, 12,

3. 12. 4. 8. 10. 34. 11. 4. 15. 7. Stephani, cap. 7, 2. Jacobi, cap. 15. 13. item 21, 20. Pauli, cap. 13, 16. 17. 22. 20. 18. 22. 1. 24. 10. 26. 1. ecclesiae hierosolymitanae, cap. 4. 24. Gamalielis, cap. 5. 34. Festi, cap. 25. 24. Tertulli adeo, cap. 24, 2. et γερμανικῶς ephe-sini, cap. 19. 35. Atqui utraque ista nota velut characteristica primo etiam ac secundo Evangelii capiti manifeste est impressa, ubi *angeli* apparuisse perhibentur Zachariae, cap. 1, 11. Mariae, comm. 26. et pastoribus bethlehemiticis cap. 2, 9. *Orationes iunctae* autem, his quae in Actis Apostolorum leguntur, si conformatio[n]em earum universam et structuram artificium spectes, valde similes, eventuum enarrationi crebro interponuntur. Hujus generis declamationes iunctae capitum illorum auctor attribuit Mariae, cap. 1, 46. Zachariae, vs. 67. Symonei, cap. 2, 29 et 34. immo Gabrieli etiam, cap. 1, 13. aliisque angelis cap. 2, 10. Quae omnia cum prorsus Lucae ingenium redoleant et mirifice cum iis, quae de viri hujus sentiendi, cogitandi historiamque tractandi ratione alii nide cognita habemus, convenient, capita ista omnino ab ipso elaborata, non aliunde arcessita esse, arbitramur.

Jam ad bina Matthaei capita quod attinet, et si in iis minus forsitan luculentter quam in Lucae narratione auctoris vestigia se prodant, insunt tamen ipsis quoque indicia nonnulla, quae tantum sane valent, ut eundem auctorem et haec capita et reliquam Evangelii partem exarasse, facilius nobis persuaderi patiamur, nec contrariae sententiae assensum praebeamus, donec ad eam stabiliendam ac vindicandam testimonia aut argumenta preferantur, iis quae supra examinavimus multo firmiora. Nempe cuique, bina illa capita (in quibus nec angeli vigilantibus apparent, nec declamando animi sui sensa homines in scenam quasi producti cura lectoribus communicant,) intenta mentis acie perscrutanti, ultro in oculos incurret, auctorem cum oraculorum propheticorum crebris allegationibus et ad Jesum Messiam applicationibus qualibuscumque vehementer delectatum fuisse, (cap. 1, 22. cap. 2, 5. 15. 17. 23.) tum eam alte menti infixam habuisse opinionem, per somnum, κατ' ὄντας, (cap. 1, 20. cap. 2, 12. 13. 19. 22.) homines frequenter a provido Numine, quid facere quidve cavere debeant, admoneri. Utrumque hoc indicium optime in Matthaeum Evangelistam quadrat. Hic enim, ut inter omnes constat, multo quam caeteri Evangeliorum auctores saepius ad veterum vatum carmina provocavit, eaque de Christi sive fatis sive rebus gestis uteunque, pro hermeneutices istius aevi conditione, interpretatus est. Sed et frequentes χρηματίσμοι κατ' ὄντας Matthaeo apprime convenire videntur. Hic sane solus in passionis Dominicæ historia (Matth. 27, 19.) refert, Pilati uxorem marito, jamjam capitalem in Jesum sententiam e tribunali laturo, nuntiari eurasse, multa se hujus infontis hominis causa hac ipsa nocte perpetram esse ΚΑΤ' ΟΝΑΡ. Quod vocabulum, a nullo alio Novi Testamenti scriptore usurpatum, nec in septuagintavirali versione uspiam occurrens, apud solum Matthaeum, et quidem sexies, legitur.

At dissimilare hic non licet, fuisse, qui hunc ipsum quoque Matthaei locum de praefidis romani conjugi, tametsi in omnibus codicibus manuscriptis et versionibus veteribus absque ulla notabili varietate legatur, νοθεῖας suspectum reddere studerent \*). Sed rationibus utuntur,

\* ) Eichhorniani Repertorii, bibliœ et orientali literaturas inservientis, tom. 9. pag. 139. et 153.

ad obtinendum id quod volunt neutquam sufficientibus. Observavit quidem Origenes <sup>4)</sup>, Celsum mentionem non injecisse somnii, quo ad intercedendum apud maritum suum pro insonte captivo permota fuerit foemina illa. Sed permulta hujus silentii causae excogitari facile possunt. Origenes sane consulto testimonium nobilis matronae de Christi innocentia celasse (*έκανε παρεπεμψατο*) conjectit adversarium Christianorum infensissimum. — Praeterea haud negamus, contextam orationem aptius cohaerere; si versiculus ille 19, qui narrationis filum quodammodo disrumpit, juguletur atque extrudatur. Ulro potius largimur, magis congruo loco collocari potuisse narrationem de somnio, nempe ante versum 15 vel post comma 23. Verum tamen dupli modo defendi potest ordo, quem Mattheus tenuit. Primo enim non videmus quid obstat, quominus nuntii ab uxore missi hoc ipso temporis momento, quod narrationis ordo supponit, advenisse credantur; quo admisso, Mattheus, chronologicam rerum gestarum seriem religiose servans, immerito vituperaretur. Deinde vero comma 18 occasionem etiam praebere Mattheo potuit, commemorandae hoc ipso loco historiolae de somnio foeminae. Scilicet versu 18 monuerat Evangelista, Pilatum probe cognitum ac compertum habuisse, accusatum esse Jesum unice δια Φθονον των ιουδαιων. Atque huic *mariti* judicio de Christo, satis honorifico, commode addi posse putavit, hominis quoque *conjugem* de innocentia Jesu fuisse persuasam. — Tandem infitias ire nolumus, narrationem de somnio posse primo obtutu incredibilem videri et fabulosam; sed *re curatius expensa*, nihil ei inesse deprehendemus, quod vero sit dissimile aut repugnans. Nam sumere omnino licet, praesidis conjugi non prorsus ignotum esse potuisse virum, qui dudum per omnium ora ferretur, cuius prodigiosa facta ad Herodis quoque aures pervenisse scimus, et qui nuperrime, numeroſa comitante caterva, triumphali paene pompa urbem ingressus esset. Nec absonta est conjectura, audivisse eam de Synedrii (quod multis de causis praesidis conjugi exosum esse poterat) capitali in istum virum odio et de nefandis machinationibus, quibus Iudeorum proceres judicem paene invitum eo abripere vellent, ut mortis sententiam in hominem innocentem pronuntiaret. Quid igitur? Si callida mulier somnium confinxit ominosum, ut hoc praetextu apud maritum, quem in vicino λιθοστροτῳ importunis Iudeorum clamoribus obtundi rescivisset, pro Jesu deprecaretur, judicemque admoneret, ut ea qua pollebat auctoritate uteretur ad coercendos homines sanguinem innocui viri sitientes. Quin, ne opus quidem est, ut confictum fuisse somnum statuamus. Vere de periculis Jesu imminentibus somniare potuit foemina. Nam procul omni dubio audiverat praecedente jam noctem illam vespera, quasnam technas adversus prophetam Nazaretanum struerent Iudeorum proceres. Profecto enim inscio praeside, tum in urbe praesente, fieri non potuit, ut extra urbis portas militaris manus ablegaretur, quae Jesum comprehenderet vincumque adduceret. Si enim romanos milites adhibitos fuisse existimes, ulro patet, his, sine praesidis praescitu, Synedrii iussa exequi haud licuisse. Sin vero απειχαν et Χιλιαρχου, qui

<sup>4)</sup> Libro 2 contra Celsum, Opp. tom. 1. pag. 415.

qui una cum sacerdotum ὑπηρέταις Jesum adorti sunt. Jo. 18, 3. 12. de Levitarum, excubias quotidie in templi atris agentium, cohorte et de στρατηγῷ τοῦ Ἰησοῦ interpretari malis, tamen nisi in rei militaris constitutione hospes plane sis, concedes, ne horum quidem ex urbe in agrum excursionem latere praesidem in urbe degentem potuisse. Quodsi vero Judaeorum adversus Jesum consilia sanguinolenta praesidi vespere jam patefacta fuerant, hujus conjugem insequente nocte eadem de re somniaffe, quis valde miretur, aut narrationem de tali somnio fidem superare, nec a Mattheo in literas referri potuisse?

Caeterum, ut e diverticulo ad propositam nobis de primis Matthei capitibus questionem revertamur, utrumque Evangelistam, Matth. 1 et Luc. 3, genealogiam ita commentariis suis adjecisse, prout eam e domesticis scriniis cognitorum Josephi aut Mariae accepisset, ac consequenter errores, si qui forte in adornanda alterutra tabula genealogica commissi esse videantur, non Mattheo aut Lucae, sed ignotis harum βιβλίων γενεσεως Ἰησοῦ auctoribus imputandos esse, jam quidem supra innuimus. Addere autem hic juvabit, tantum abesse, ut difficultates e genealogiarum diffusu exortae, alterutrius authentiam suspectam reddere queant, ut potius haec ipsa ἐγγυτιοφανεια novum argumentum ad vindicandam utramque suppeditare possit. Nimirum inde a primis seculis in conciliandis genealogiis tantopere dissonantibus omni virium intentione elaborarunt Christianorum doctissimi. Non solum Julius Africanus, sed ut ipse testatur \*) jam ante eum alii, adeoque secundi saltim seculi scriptores, diversas tentarunt vias, quae exitum ex isto labyrintho pollicerentur tantopere desideratum. Omnes autem in gordio nodo variis adhibitis artibus solvendo misere se torserunt; nemo animum induxit, ene eum dissecare: quod profecto facillimum fuisse ac unicuique ultro in mentem venire et cupide a quoque aripi debuisset, si vel fando audisset, alterutrius genealogiae originem ac authentiam dubiam esse et controversam. Accedit, Clementem alexandrinum \*\*) testari, e veteris presbyterorum (secundi seculi hominum) traditione didicisse se, ea Evangelia, quae Christi genealogias exhibent, quoad scriptoris tempus reliquis esse anteponenda. Ergo utramque genealogiam in Evangeliorum codicibus repererant isti presbyteri. Taceo Celsum, acerrimum Christianorum adversarium, cui prima Matthei capita non incognita fuisse videntur \*\*), et Justinum Martyrem aut quemcunque dialogi cum Tryphone auctorem statuere malis, qui prophetica oracula, Matth. 2, 6 et 18 laudata, ad eosdem eventus accommodat et iisdem omnino, quibus apud Mattheum descripta leguntur, verbis excitat, quamquam in hebraico textu aequa ac in graeca τῶν ὁ translatione utrumque oraculum ab ipsis allegationibus verbotenus inter se concordantibus admodum discrepet; e quo consensu in diffusu (ut alia indicia mittamus,) liquido appetet, secundum Matthei caput a dialogi auctore lectum omnino fuisse. Sed volumus Celi et

Justini

\*) Apud Eusebium hist. eccl. L. 1. cap. 7.

\*\*) Apud Euseb. L. 6. cap. 14.

\*\*\*) Origenis contra Celsum liber 8. Opp. tom. 1. p. 622. et alibi.

Justini testimonium pertinacius urgere, quoniam suspicari (licet non probare) aliquis posset; usurpasse viros istos non Matthaeum nostrum, sed incerti auctoris libellum singularem, nativitatis Jesu historiam complectentem, et postea demum Matthaei Evangelio adjunctum. Nec operam dare lubet excusando patrum, quos apostolicos vocare solent, silentio de iis, quae hisce capitibus continentur; admodum enim exigua est multis de causis istorum scriptorum auctoritas. Tandem neque ad Irenaeum et Tertullianum provocare opus est, cum nemo ignoret, Matthaei codicibus usos eos esse, qui priora etiam Evangelii capita complecterentur.

Jam si omnia, quae partim explicati exponimus, partim in transcurso tantum attigimus, mente simul complecti velis, assensum, ut speramus, lubens nobis praebebis, affirmantibus, a) extra omnem dubitationis aleam positum esse, graecum Matthaei Evangelium binis de quibus disputamus capitibus nunquam caruisse; b) validis argumentis evinci non posse, extitisse olim aliud Evangelium, graeci nostri velut fontem, a quo capita ista absuerint; c) admodum probabile esse, Matthaeum capitum illorum verum fuisse auctorem, excepta tamen genealogia, quam, communicatam ab aliis, libello suo praesigere voluit.